



## INFORMACIJA O PROVEDENIM AKTIVNOSTIMA U PERIODU OD PROGLAŠENJA STANJA NESREĆE NA PODRUČJU FEDERACIJE BIH IZAZVANE CORONAVIRUSOM ( COVID-19)

- Informacija o aktivnostima Općinskog štaba civilne zaštite i općinske administracije;
- Informacija o aktivnostima u organizaciji, praćenju i distribuciji pomoći socijalno ugroženim kategorijama stanovništva općine Maglaj;
- Informacija o aktivnostima na poticaju poljoprivredi u vrijeme epidemije coronavirusa (COVID 19) na općini Maglaj



Načelnik općine  
Mirsad Mahmutagić

## **Informacija o aktivnostima Općinskog štaba civilne zaštite i općinske administracije**

Pregled informacija:

-Prva vanredna sjednica Općinskog štaba civilne zaštite na kojoj se razmatrao problem moguće pojave coronavirusa održana je 06.03.2020. godine uz doneseni zaključak: „Da trenutno nema evidentiranih zaraženih lica na području općine Maglaj, te se sugeriše građanima da prate upute i obavijesti putem medija, a posebno upute o higijenskim mjerama koje je neophodno poduzeti za sprečavanje pojave i prijenosa virusa.“

-Ukupno je održano 15 vanrednih sjednica Općinskog štaba civilne zaštite, od toga su bile 4 telefonske.

-Prve naredbe su donesene 17. marta, dan nakon što je proglašeno stanje nesreće na nivou FBiH.

-Slijedom donesenih naredbi Federalnog štaba civilne zaštite, Općinski štab civilne zaštite donio je ukupno 25 naredbi koje su objavljene na zvaničnoj stranici Općine Maglaj i RTV Maglaj.

-Općinski štab civilne zaštite objavio je 8 saopćenja za javnost u kojima se apelovalo na svijest i odgovornost građana u vezi sprečavanja širenja coronavirusa. Saopćenja su objavljena na zvaničnoj stranici Općine Maglaj i RTV Maglaj.

-Kantonalni epidemiolog dr. Alis Kozica prisustvovao vanrednim sjednicama Općinskog štaba civilne zaštite, te dao veliki doprinos sprečavanju širenja korona virusa.

-Adnan Jupić, ministar zdravstva i predsjednik Kriznog štaba Zeničko-dobojskog kantona upriličio četiri posjete općini Maglaj.

-Prvi oboljeli je evidentiran 10.aprila.

-Prvo lice zaraženo korona virusom evidentirano unutar HM-Promet bilo je 12. aprila.

-Od početka pandemije obustavljen rad za 225 privrednih subjekata.

- Trenutno je obustavljen rad za 26 subjekata. ( 21 kladionice i 5 radnje koje se nalaze unutar Tržnih centara)

-Od 17.03. do danas 18.05.2020. godine 331 osobaje ostala bez radnog odnosa.

-Kompanija Bontex prestala sa radom 25.04. 2020., a počela sa radom 18. 05.2020. godine.

-Do sada je testirano 601 lice.

-Ukupan broj zaraženih je 140, od toga je 101 oporavljeno, a 39 aktivno.

-RTV Maglaj aktivno je pratila rad Općinskog štaba civilne zaštite i općinske administracije, te redovno informisala građane o epidemiološkoj situaciji na području općine Maglaj.

### **-Upućene inicijative:**

\*27.03.2020. godine upućen zahtjev Predsjedništvu BiH, premijeru FBiH, Ministarstvu finansija FBiH, Ministarstvu sigurnosti BiH, Ministarstvu vanjskih poslova BiH i Federalnoj upravi civilne zaštite za ulazak stranih eksperata u cilju funkcionisanja privrede. ( Natron-Hayat d.o.o. Maglaj )

\*30.03.2020. godine upućen zahtjev Vijeću ministara BiH, Ministarstvu sigurnosti BiH, Federalnom štabu civilne zaštite i Kantonalnom štabu civilne zaštite za ulazak stranih eksperata u cilju funkcionisanja privrede. ( Natron-Hayat d.o.o. Maglaj )

\*31.03.2020. godine Federalnom štabu civilne zaštite i Federalnoj upravi civilne zaštite upućena Inicijativa za izmjenu Naredbe broj: 12-40-6-148-34-1/20 od 27.03.2020. godine, u pogledu ograničenog kretanja za lica mlađa od 18 godina i lica starija od 65 godina za fleksibilniji pristup prema ovim populacijama.

\*03.04.2020. godine Kantonalnom štabu civilne zaštite i općinskim/gradskim štabovima civilne zaštite sa područja Zeničko-dobojskog kantona upućena Inicijativa za izmjenu Naredbe broj: 12-40-6-148-34-1/20 od 27.03.2020. godine, u pogledu ograničenog kretanja za lica

mlađa od 18 godina i lica starija od 65 godina, kako bi istu razmotrili ili dopunili, te prosljedili Federalnom štabu civilne zaštite i Federalnoj upravi civilne zaštite.

\*03.04.2020. godine Vijeću ministara BiH upućen zahtjev za ulazak stranih eksperata u cilju funkcionisanja privrede. ( Natron-Hayat d.o.o. Maglaj)

\*06.04.2020. godine Federalnom štabu civilne zaštite upućen zahtjev za pružanje podrške u podnošenju Incijative Vijeću ministara BiH.

\*13.04.2020. godine Vladi Zeničko-dobojskog kantona upućena Incijativa za izmjenu Odluke o izmjeni i dopuni Odluke o utvrđivanju objekata za karantin. ( Apartmani Sjaj Maglaj)

\*16.04.2020. godine upućeni prijedlozi za izmjenu Javnog poziva za prikupljanje zahtjeva za odobrenje i dodjelu finansijskih sredstava za subvencioniranje 50 % najniže neto plate u martu 2020. godine.

\*17.04.2020. godine Federalnom štabu civilne zaštite dostavljen upit o načinu tretiranja autoškola.

\*20.04.2020. godine Federalnom ministarstvu zdravstva upućen zahtjev za izmjenu Rješenja o utvrđivanju objekata za karantin ( Apartmani Sjaj Maglaj)

\*23.04.2020. godine Federalnom štabu civilne zaštite dostavljen upit o načinu tretiranja internet klubova.

\*23.04.2020. godine Kantonalnom štabu civilne zaštite i Vladi ZDK upućena incijativa za uvrštavanje djelatnosti autoškola i internet klubova u Listu zabranjenih djelatnosti.

\*24.04.2020. godine Općinski štab civilne zaštite, nakon otkrivenog prvozaraženog lica u kompaniji Bontex, uputio je preporuke za poduzimanje svih neophodnih higijensko-epidemioloških mjera donesenih na osnovu naredbi do konačnog stava nadležnih institucija.

#### **-Poduzete mjere:**

\*Prilagođen rad sa strankama unutar Organa uprave, javnih ustanova i preduzeća.

\*Podijeljeno oko 90 hiljada zaštitnih maski.

\*Izvršena dezinfekcija saobraćajnica, javnih ustanova i preduzeća, stubišta unutar stambenih zgrada, prostora oko objekata koji se najviše koriste, a izvršena je i dezinfekcija mjesnih zajednica na području općine Maglaj.

\*Dezinfekcija je izvršena od strane KJD Maglaj, PVJ Maglaj, Instituta za zdravlje i sigurnost hrane Zenica, kao i Ministarstva odbrane i jedinica Oružanih snaga BIH za atomsko-biološko-hemijsku odbranu ( ABHO).

\*Izrađeni zaštitni viziri za zdravstvene i socijalne ustanove na području općine Maglaj i dostavljeni ustanovama zdravstvene i socijalne zaštite, kao i privrednim subjektima.

\*Postavljena dva dezinfekciona tunela ispred JU Dom zdravlja Maglaj, jedan je donacija Semira Hadžiedhemovića, a drugi je poklon sugrađanki koje žive i rade u inostranstvu.

\*Formirano koordinaciono tijelo: Merhamet, Crveni križ i resorna Služba Općine Maglaj čiji rad će se prezentirati u drugom dijelu informacije.

\*23.03.2020. godine Općinski štab civilne zaštite donio Naredbu o angažovanju Vijeća MZ-a općine Maglaj koji su dužni da održavaju stalne kontakte sa Štabom CZ Maglaj u cilju sprovođenja naredbi Općinskog štaba civilne zaštite i Federalnog štaba civilne zaštite. Zatim, da u što kraćem roku Službi za boračko-invalidsku i socijalnu zaštitu, opću upravu i društvene djelatnosti dostave spiskove najugroženijih mještana u mjesnim zajednicama, koje su u stanju socijalne potrebe, sa imenima i prezimenima lica uz obrazloženja o njihovom socijalnom stanju, te da su dužni organizirati pružanje pomoći u smislu odlaska u kupovinu, nabavku lijekova i osnovnih životnih namirnica i bilo koju vrstu pomoći osobama starijim od 65 godina.

\*Veliki broj volontera uključio se u pomoć starim i iznemoglim licima, kao i onima koji imaju zabranu kretanja, licima iznad 65 godina. Formirani su volonterski štabovi po mjesnim zajednicama koji rade u saradnji sa Službom civilne zaštite i Crvenim križem.

\*Socijalna podrška ugroženom stanovništvu- prehrambeno-higijenski paketi.

\*Svakodnevna komunikacija sa sugrađanima koji se nalaze u izolatoriju Kantonalne bolnice Zenica.

\*Svakodnevna komunikacija sa privrednicima, koji zapošljavaju veći broj uposlenih ( Natron-Hayat, HM-Promet, Bontex, Excel Assemblies, Saraj milk ... ).

\*Održani sastanci sa predstavnicima različitih privrednih branši sa područja općine Maglaj koje imaju privremeno zabranjen rad. ( ugostiteljski objekti, frizerski saloni, doktori stomatologije privatne prakse ) Tema sastanka je bila analiza trenutnog stanja i razmjena mišljenja oko podrške sa različitih nivoa vlasti.

\*Održan sastanak sa predsjednicima političkih stranaka koje participiraju u Općinskom vijeću.

\*Donesen prvi set mjera u cilju podrške privrednim subjektima na području općine Maglaj u uslovima zabranjenog rada: oslobađanje uplate komunalne takse na istaknutu firmu, oslobađanje od plaćanja obaveze privrednim subjektima i fizičkim licima - vlasnicima poslovnih prostora koji se koriste ili iznajmljuju za obavljanje poslovnih djelatnosti čiji rad je naredbama privremeno zabranjen i oslobađanje ugostiteljskih objekata u 100% iznosu naknade za korištenje javnih površina (zakupnine za ljetne bašte, tende) za 2020. godinu.

\*Upućeni su zahtjevi za pomoć i podršku Ministarstvu unutrašnjih poslova FBiH, Ministarstvu rada i socijalne politike FBiH, Ministarstvu za pitanja boraca i invalida odbrambeno-oslobodilačkog rata FBiH, Ministarstvu zdravstva FBiH, Ministarstvu poljoprivrede, vodoprivrede i šumarstva FBiH, Ministarstvu razvoja, poduzetništva i obrta, Federalnoj upravi civilne zaštite, Ministarstvu za privredu ZDK, Ministarstvu za poljoprivredu, šumarstvo i vodoprivredu ZDK, Ministarstvu zdravstva ZDK, Ministarstvu za boračka pitanja ZDK, Ministarstvu za rad, socijalnu politiku i izbjeglice i Kantonalnoj upravi civilne zaštite.

\*Upućeni su zahtjevi za pomoć i podršku Ambasadi Njemačke u BiH, Ambasadi Austrije u BiH, Ambasadi Švicarske u BiH, Ambasadi SAD-a u BiH, Ambasadi Velike Britanije u BiH, Ambasadi Republike Turske u BiH, Ambasadi Češke u BiH, Ambasadi Švedske u BiH, Ambasadi Francuske u BiH, Ambasadi Belgije u BiH, Ambasadi Danske u BiH, Ambasadi Japana u BiH, Ambasadi Nizozemske u BiH.

\*Zahtjevi za pomoć i podršku upućeni su i međunarodnim organizacijama: USAID, UNICEF, World Vision, Hilfswerk Austria International, IFAD, SIDA i UN.

\*U saradnji sa CRS-om podijeljeni poljoprivredni paketi za 106 porodica, vrijednost jednog paketa 480 KM. Projekat pomaže osobama koje su izgubile posao ili koje imaju minimalne ili nikakve izgleda da zadrže posao koji su obavljali prije pandemije Covid-19. Uslov je bio da imaju predispozicije za bavljenje primarnom poljoprivrednom proizvodnjom (zemljište i znanje), dok su prednost imala domaćinstva sa više članova i samohrani roditelji.

\*U toku je Program podrške Općine Maglaj i Federalnog ministarstva poljoprivrede.

**PREDMET:** Informacija o aktivnostima u organizaciji, praćenju i distribuciji pomoći socijalno-ugroženim kategorijama stanovništva općine Maglaj, dostavlja se,-

## UVOD

Rješenjem Načelnika općine broj 03-45-1-1285/20 od 06.04.2020.godine imenovano je Koordinaciono tijelo za organizaciju, praćenje i distribuciju pomoći socijalno-ugroženim kategorijama stanovništva na području općine Maglaj (u daljem tekstu:Koordinaciono tijelo) u sastavu:

- Eldina Mehinagić, rukovodilac Službe za boračko-invalidsku i socijalnu zaštitu, opću upravu i društvene djelatnosti - koordinator;
- Aida Hadžić, predsjednica UO CK Maglaj - član;
- Sanela Omerović, direktorica RO MDD Merhamet Maglaj - član;

sa zadatkom da organizuje prikupljanje pomoći, da vrši usklađivanja i revidiranja spiskova, te organizacija i praćenje podjele pomoći socijalno-ugroženih kategorija stanovništva na području općine Maglaj.

U svom radu neophodno je da Koordinaciono tijelo saraduje sa ustanovama i institucijama, mjesnim zajednicama, humanitarnim organizacijama, neformalnim grupama građana i dr., koji vrše distribuciju i podjelu pomoći, te shodno tome prikupe podatke i sačine jedinstveni spisak socijalno-ugroženih kategorija stanovnika na području općine Maglaj po kojem će se vršiti dalja distribucija pomoći, te da pratiti stanje raspodjele pomoći kako ne bi došlo do duplih podjela.

## REALIZOVANO

Odmah po formiranju Koordinaciono tijelo izvršio analizu:

- spiskova MZ-a dostavljenih shodno članu 2. NaredbeKomandanta kriznog štaba općine Maglaj broj 01-40-1-73/20 od 23.03.2020.godine o angažovanju Vijeća MZ-a;
- spiska MDD Merhamet lica koja se nalaze na kuhinji;
- spiskova Crvenog krsta Maglaj o već podijeljenim paketima;
- spiskovaCentra za socijalni rad za lica korisnika stalne novčane pomoći, porodilja koje se vode na birou za zapošljavanje, te djece koja su smještene u hraniteljske porodice;

Nakon dobijenih spiskova utvrđeno je :

- da se po spisku MZ-a nalazi 2030 lica, gdje se 254 licu predlaže za pomoć kao socijalno ugroženi, dok ostala lica na spisku su oni koji su preko 65 godina i lica kojima je neophodna pomoć volontera;
- da se kao korisnici stalne novčane pomoći vodi 66 lica;
- da se na spisku MDD Merhamet vodi 65 domaćinstava sa 134 lica na kuhinji;
- da se 35 lica vodi kao porodilje na birou za zapošljavanje;
- da je 5 djece koja se nalaze u hraniteljskim porodicama;
- da je 124 lica dobilo prehranbene pakete i 66 licadobilo higijenski paket koje je CK već dodijelio a doniranih od strane humanitarnih organizacija.
- da je MDD „Merhamet“ podijelio116 paketa korisnicima kuhinje

Sagledavajući dostavljene spiskove utvrđeno je da se određeni broj lica sa spiska MZ-a, lica korisnika SNP i lica koja se nalaze na kuhinji MDD Merhamet podudaraju, kao i uvidom u spiskove lica koja su dobila pakete od strane CK i MDD Merhamet, evidencija se svela na sljedeći broj lica koja nisu dobila pomoći u vidu prehranbeno-higijenskih paketa:

- 159 lica po spiskovima MZ-a kao socijalno ugroženi;
- 35 lica korisnika SSP ;
- 80 porodica (161 lice) korisnika kuhinje MDD Merhamet ( 13 lica korisnika SNP prebačeno je na kuhinju MDD Merhamet)
- 35 porodilja na birou za zapošljavanje;
- 5 djece koja se nalaze u hraniteljskim porodicama;

Urađena je i analiza rada, od momenta proglašenja vanrednog stanjasvih provedenih aktivnosti od strane CK-a, MDD Merhamet i Centra za socijalni rad u vezi pomoći socijalno ugroženim a na osnovu pomoći koje su dobili od strane donatora:

1. Obzirom na aktivnosti OO Crvenog krsta Maglaj u periodu do formiranja Koordinacionog tijela, realizovano je:
  - Voloteri CK su imali na terenu 306 intervencija;
  - Podijeljeno je preko 30.000 zaštitnih maski i preko 2.500 rukavica;
  - Od udruženja „Dvor“ obezbjeđeno je 60 prehranbeno-higijenskih paketa i 35 paketa pelena za odrasle;
  - Od braće Burić donirano je 50 prehranbenih paketa;
  - Od Crvenog polumjeseca Turske dobijeno je 5 prehranbenih paketa;
  - Od Cvenog polumjeseca Kuvajt dobijeno je 9 prehranbenih paketa;
  - Od CK F BiH dobijeno je 19 prehranbenih paketa ;
  - Islamic relief donirao je CK 66 paketa higijene (1litar tečnog sapuna, 1litar sredstva za dezinfekciju, maska i rukavice) za korisnike SNP;
  - Organizacija „Dvor“ darovala je 16 tableta za djecu osnovnih i srednjih škola u cilju praćenja nastave;

Svih 124 prehranbena paketa i 66 higijenska paketa, dobijenih od strane navedenih donatora, preko CK Maglaj podijeljeno je licima koja su stalni korisnici CK Maglaj kao i licima korisnicima SNP, osim paketa organizacije „dvor.ba“ (40 paketa) koji su iskazali interes da sami dodjele pakete onima kojima su bili namjenjeni, a odnosilo se na lica koja su smještena u zgeadi „starog suda“.

Sve gore navedeno je CK Maglaj u koordinaciji sa donatorom i njegovim zahtjevima uspješno realizovala. Želimo da naglasimo da su se volonteri CK-a u ovoj situaciji pokazali izuzetno uspješni i odgovorni građani našeg grada, radeći iako su znali da su i sami u određenoj vrsti opasnosti. Moramo napomenuti da je bilo neopravdanih zahtjeva od strane građana, ali kroz zajedničku koordinaciju nastojalo se što više pomoći onima kojima je pomoć istinski bila potrebna u nastaloj situaciji.

Problem u radu je jedino predstavljao nedostatak motornih vozila, jer CK ne posjeduje vlastito, pa se dopunjavalo sa vozilima Centra za socijalni rad i Vatrogasne službe Opine Maglaj.

1. Regionalni odbor MDD „Merhamet“ Maglaj je od vremena proglašenja vanrednog stanja, uz nastojanje poštivanja svih Naredbi, svoj rad sa korisnicima organizovao na način da im se spremaju i nose obroci ili se dodijeljuju prehrambeni paketi kojima mogu da pripreme sebi obroke za određeni broj dana. Svim korisnicima kuhinje na samom početku pandemije podijelili smo prehrambene pakete, a do danas podijeli smo 96 paketa od donatora Merhamet Njamačka našim korisnicima kuhinje, te 20 paketa povodom Uskrsa i Vaskrsa na području Radojičića, Rakovca i Poljica.

Obzirom da MDD „Merhamet,“ shodno svojim organizacijskim aktivnostima vrši redovno spremanje i distribuciju hrane svojim korisnicima, Koordinaciono tijelo se složilo da MDD Merhamet nastavi sa istim, a da se za korisnike nabave higijenski paketi koji će biti dodjeljeni uz obrok koji budu dobili nakon izvršene nabavke artikala.

Takođe MDD Merhamet je obezbjedio i šivanje maski od više donatora i volontera za korisnike kuhinje i lica koja se nalaze u stanju socijalne potrebe.

Ovdje treba napomenuti da su lica angažovana u MDD „Merhamet“ svakodnevno provode i po 5 i više sati na terenu raznoseći spremljene obroke korisnicima uz obavljanje redovnih aktivnosti ovog udruženja, te se i dodatno izlažu većem zdravstvenom riziku, koji su nastojali smanjiti većom radnom i higijenskom disciplinom, te nošenjem zaštitne opreme u radu.

Potrebno je napomenuti da je „Merhamet“ u ovom periodu izvršio podjelu i 15 učeničkih stipendija na području Maglaja, KM od donatora Bosansko-kanadskog humanitarnog društva iz Toronta s kojim smo prije par dana potpisali i ugovor o dugoročnoj saradnji.

Takođe, ovih dana, podijeljeno je na području naše općine 3400 paketa hurmi, a tokom mjeseca Ramazana se ide i sa podjelama ramazanskih lepina i iftara za postače na cijelom području opštine, a uz saradnju sa Medžlisom islamske zajednice Maglaj se realizuje i projekat svakodnevne proizvodnje i distribucije iftara po svim našim mjesnim zajednicama.

Za 45 najugroženijih članova logoraša Maglaj podijelili smo kurbansko meso i hurme.

Prethodne sedmice smo dodijelili i 2 kompleta računara za praćenje on-line nastave za djecu iz socijalno ugroženih porodica sa područja naše opštine, a ovaj projekat nastavljamo s implementacijom i u narednom periodu obzirom na sadašnju neophodnost istih.

2. Na osnovu spiskova Centra za socijalni rad za 5 djece koja se nalaze u 4 hraniteljske porodice, izvršena je uplata prvog dijela sredstava predviđenih Budžetom za 2020.godinu.

Centar je takođe bio i saradnik u podjeli 40 paketa licima koja se nalaze sa smještajem u „zgadi starog suda“ Maglaj a po zahtjevu udruženja „dobro.ba“ koji je i bio donator istih.

U međuvremenu se javila i Turska razvojna agencija TIKa koja je donirala 50 paketa sjemenskog materijala (25 kg đubriva, 25 kg sjemenskog krompira i paket sitnog sadnog materijala), od kojih je 20 paketa dodijeljeno licima po prijedlogu Centra za socijalni rad, te 30 paketa licima koja su iskazali interes za sjetvenim materijalom i nalaze se u stanju socijalne potrebe.

Crveni krst Maglaj je svojim projektima uspio da dobije 230 paketa od organizacije pomozi.ba, a Koordinaciono tijelo se složilo da se ista raspodjele na sljedeći način:

- 159 lica po spiskovima MZ-a kao socijalno ugroženi;
- 35 lica korisnika SSP ;
- 35 porodilja na birou za zapošljavanje;

i podjela istih je trenutno u toku.

Napominjemo da su spiskovi MZ-a urađeni i dostavljeni od strane samih MZ-a, ali da se shodno izvršenoj analizi i utvrđenom stanju na terenu prilikom dodjela paketa uvidjelo da se na većini tih spiskova kao prijedlog socijalno ugroženih nalaze lica koja nisu u stanju socijalne potrebe, dok neka lica kojima je pomoć zaista potrebna ne nalaze na tim spiskovima.

Takođe napominjemo da se podjela svih paketa vrši preko CK Maglaj sa volonterima CKMaglaj, odnosno volonterima koji su Rješenjem Načelnika Općine imenovani kao volonteri pri volonterskim štabovima na području općine Maglaj po raspisanom Javnom pozivu, koji u koordinaciji sa Općinskim štabom CZ-e i CK Maglaj pomažu socijalno ugroženim, starim i iznemoglim licima na području općine Maglaj

## PLANIRANO

- ✓ Obzirom da MDD Merhamet svojim korisnicima sprema obroke ili im dodijeli pakete sa kojima mogu da spremu hranu za određeni broj dana, Koordinaciono tijelo se složilo da MDD Merhamet nastavi sa spremanjem hrane za svoje korisnike a da se za iste nabave higijenski paketi koji će biti dodjeljeni uz obrok koji budu dobili nakon nabavke artikala.
- ✓ Mreža ProBudućnost u sklopu svojih aktivnosti prema Općini Maglaj već je donirala 35 prehranbeno-higijenskih paketa za socijalno ugrožene kategorije stanovništva. Obzirom da smo informisani od strane istih da je ovo samo prvi krug dodjele pomoći, očekivati je u narednom periodu novi kontigent.
- ✓ Općini Maglaj se javila i humanitarna organizacija Ahmedija.ba - AMJ-BiH/ Humanity First, gdje je u koordinaciji sa općinom Maglaj pokrenuta aktivnost u nabavci 100 paketa po 35 KM.
- ✓ U najavi je još 20 paketa koje će donirati Turski bataljon EUFOR-a
- ✓ Općina Maglaj je završila procedura dobijanja ponuda za nabavku cca 300 paketa, pretpostavka je da bi se u nabavku odnosno u podjelu istih moglo početi po preporukama Koordinacionog tijela.

Shodno navedenom Koordinacioni tim će napraviti analizu i dalji plan podjele dodjeljenih paketa i izvršiti distribuciju istih. Takođe ćemo i dalje nastojati iznalaziti moguće donatore.

Takođe raspoložemo sa informacijom da su određene neformalne grupe građana, političke partije, te vjerske organizacija, vršili distribuciju pomoći u vidu paketa te time napominjemo da ovo Koordinaciono tijelo ne raspolaze sa spiskovima dodijeljene pomoći, obzirom da isti shodno svojim donatorima žele da tu aktivnost sami provedu zbog same organizacije svog djelovanje.

Koordinaciono tijelo nastoji da uspostavi saradnju sa svima onima koji vršedodjelu pomoći u cilju da se koliko je moguće više pomoć stigne onima kojima je istinski potrebna, da se izbjegnudupliranje podjela pomoći, a zatim da se ima i evidencija o dodjeljenoj pomoć uz transparentnost prema donatorima i javnosti. Naravno u ovakvim situacijama ne smijemo zaboraviti Zakon o zaštiti ličnih podataka („Sl.glasnik BiH“ broj 49/2003, 76/2011i 89/2011) radi obezbijeđenjazaštita ljudskih prava i osnovnih sloboda, a naročito pravo na privatnost i zaštitu podataka u pogledu obrade ličnih podataka koji se na njih odnose.

Sve navedeno odnosi se na prvi krug podjele pomoći, dok se za drugi krug planira sljedeće:

- Revidiranje postojećih spikova;
- Dopuna postojećih spiskova sa licima za koje je utvrđeno da su u stanju socijalne potrebe a ne nalaze se ni na jednom od spiskova (ovo isključivo zbog lica koja su u vrijeme vanrednog stanja ostala bez posla ili nisu primila nikakva primanja od poslodavca);
- Nabavku paketa za lica koja se nađu na revidiranom odnosno dopunjenom spiku lica u stanju socijalne potrebe.

Koordinaciono tijelo za organizaciju, praćenje i distribuciju pomoći socijalno-ugroženim kategorijama stanovništva na području općine Maglaj



## **Informacija o aktivnostima na poticaju poljoprivrede u vrijeme epidemije corona virusa (Covid 19) na općini Maglaj**

### **Uvod**

U skladu sa vanrednom situacijom, sprečavanja širenja korona virusa (bolesti COVID-19), Federalni štab civilne zaštite od 17.03.2020. godine donio je čitav niz naredbi kojima je naredio privremeno obustavljanje pružanja usluga i obustava u radu u djelatnostima na području Federacije BiH. U skladu sa trenutnim stanjem a vezano za novonastalu situaciju Općina je pokrenula čitav niz aktivnosti da osigura programe pomoći za naše sugrađane u proizvodnji hrane, za početak za proljetnu sjetvu a u narednom periodu i za jesenju sjetvu.

U prilogu je dat pregled dijela aktivnosti koje se provode na području općine, dok je veliki dio aktivnosti na planu poljoprivrede u fazi razrade i odobravanja kod raznih partnerskih agencija u BiH i međunarodnih organizacija, o čemu će Općinsko vijeće biti blagovremeno informisano u narednom periodu.

### **Nacrt Programa poticaja u poljoprivrednoj proizvodnji općine Maglaj za 2020. godinu**

Općinsko vijeće Maglaj Zaključkom broj: 02-04-1-37-11/20 od 20.02.2020. godine na svojoj 36. redovnoj sjednici prihvatilo je Nacrt Programa poticaja u poljoprivrednoj proizvodnji općine Maglaj za 2020. godinu, i istim Nacrt Programa uputilo u javnu raspravu, organizator javne rasprave bila je Služba za privredu, finansije/finansije i razvoj poduzetništva.

Cilj javne rasprave o Nacrtu Programa poticaja u poljoprivrednoj proizvodnji općine Maglaj za 2020. godinu je da se doprinese njegovom poboljšanju, kako bi Služba za privredu, finansije/finansije i razvoj poduzetništva kao njegov predlagač, dostavila Općinskom vijeću Maglaj odgovarajući Prijedlog Programa.

Na Javnu raspravu putem RTV Maglaj, web i facebook stranice Općine, oglasnih ploča MZ-a pozvani su poljoprivredni proizvođači, nosioci poljoprivrednih gazdinstava, predstavnici zemljoradničkih zadruga i udruženja građana poljoprivrednih proizvođača, kao i ostali građani koji smatraju da mogu pomoći u procesu davanja primjedbi i prijedloga na Nacrt Programa poticaja u poljoprivrednoj proizvodnji općine Maglaj za 2020. godinu.

Tokom Javne rasprave prisutnima je bila pružena mogućnost iznošenja vlastitih mišljenja i stavova u vezi sa predloženim Nacrtom Programa, a sve u cilju što kvalitetnije konačne verzije ovog dokumenta.

U cilju što kvalitetnijeg upoznavanja građana općine Maglaj sa predloženim Programom, bilo je planirano da se prije centralne Javne rasprave zakazane za 18.03.2020. godine u 12,00 sati u sali Općinskog vijeća Maglaj (Dom kulture "Edhem Mulabdić") ista održi i u sljedećim MZ-a:

- u prostorijama MZ Jablanica dana 10.03.2020. godine sa početkom u 10,00 sati,
- u prostorijama MZ Kosova dana 10.03.2020. godine sa početkom u 12,00 sati, i
- u prostorijama MZ Novi Šeher dana 10.03.2020. godine sa početkom u 14,00 sati.

U dogovoru sa rukovodstvom navedenih MZ-a obavijestili smo sve zainteresirane u MZ-a koje gravitiraju ovim područjima o datumu i mjestu javne rasprave, kao i da im da na raspolaganje dostave Nacrt Programa poticaja u poljoprivrednoj proizvodnji općine Maglaj za 2020. godinu. Organizovanje istih je prošlo bez ikakvih problema uz zadovoljavajući broj prisutnih, isti su bili upoznati i sa datumom održavanja glavne javne rasprave.

Za sve građane Nacrt Programa je bio objavljen na web stranici Općine [www.maglaj.ba](http://www.maglaj.ba) i bio je dostupan u Šalter sali Općine Maglaj.

Obzirom da je Naredbom Kriznog štaba ministarstva zdravstva Zeničko-dobojskog kantona, broj: 11-33-1335-28/20 od 16.03.2020. godine, a koja se odnosila na novonastalu situaciju

pojava oboljelih od koronavirusa u Bosni i Hercegovini, istom bilo zabranjeno svako javno okupljanje građana na području Zeničko-dobojskog kantona, putem RTV Maglaj i web stranice Općine obavijestili smo sve građane općine Maglaj da se otkazuje glavna Javna rasprava na Nacrt Programa poticaja u poljoprivrednoj proizvodnji općine Maglaj za 2020. godinu koja je bila zakazana za 18.03.2020. godine u 12,00 sati u sali Općinskog vijeća Maglaj.

U skladu sa navedenom Naredbom Kriznog štaba, a u cilju sprečavanja širenja zaraze od koronavirusa, obavijestili smo poljoprivredne proizvođače, nosioce poljoprivrednih gazdinstava, predstavnike zemljoradničkih zadruga i udruženja građana poljoprivrednih proizvođača, kao i ostale građane da u procesu davanja primjedbi i prijedloga na Nacrt Programa poticaja u poljoprivrednoj proizvodnji općine Maglaj za 2020. godinu isto mogu uraditi dostavom na mailove: sadka.huskić@maglaj.ba i ferhat.bradarić@maglaj.ba ili dostavom istih u pisanoj formi putem Pisarnice Općine Maglaj.

Krajnji rok za ovakvu dostavu pisanih prijedloga, primjedbi i sugestija na Nacrt Programa bio je 25.03.2020. godine do 16,00 sati.

Kako je u ostavljenom roku pristigao samo jedan prijedlog od Zemljoradničke zadruge „Milk maglajka“ Maglaj, a poznavajući interes naših sugrađana i broj prisutnih javnoj raspravi na Nacrt Programa poticaja u poljoprivrednoj proizvodnji na općine Maglaj u ranijim godinama, Općina je obustavila aktivnosti oko ovog materijala do daljnjeg, odnosno dok se ne steknu uslovi za Javnu raspravu i sastanak sa poljoprivrednim proizvođačima sa područja općine.

### **Javni poziv Federalnog ministarstva poljoprivrede, vodoprivrede i šumarstva za prikupljanje prijave za poticanje proljetne sjetve u Federaciji BiH za 2020. godinu**

Federalno ministarstvo za poljoprivredu, vodoprivredu i šumarstvo dana 10.04.2020. godineraspisalo je Javni poziv za prikupljanje prijave za poticanje proljetne sjetve u Federaciji BiH za 2020. godinu za poljoprivredne proizvođače upisane u Registar poljoprivrednih gazdinstava i/ili Registar klijenata. Predmet Javnog poziva bio je prikupljanje prijave za poticanje proljetne sjetve na teritoriji Federacije Bosne i Hercegovine za 2020. godinu.

Pravo učešća po ovom Javnom pozivu imali su Klijenti – Jedinice lokalne samouprave gradovi/općine Federacije Bosne i Hercegovine koje sufinansiraju programe poticanja proljetne sjetve i ispunjavaju uslove određene u tački IV ovog Javnog poziva.

Klijenti – Jedinice lokalne samouprave gradovi/općine podnose prijavu na ovaj Javni poziv na obrascu PSRP koji sadrži preliminarnu listu krajnjih korisnika i druge podatke za poljoprivredne proizvođače sa svog područja za troškove sufinansiranja:

- nabavke sjemena, mineralnih gnojiva i zaštitnih sredstava za proizvodnju, silažnog i merkantilnog kukuruza, heljde, povrća (paradajz, paprika, krastavac, patlidžan, mrkva, cvekla, grah, luk bijeli, luk crveni, zelena salata, krompir i sl.) i drugih poljoprivrednih kultura.

Općina Maglaj u skladu sa Javnim pozivom za prikupljanje prijave za poticanje proljetne sjetve u Federaciji Bosne i Hercegovine za 2020. godinu, koji je raspisalo Federalno ministarstvo poljoprivrede, vodoprivrede i šumarstva, uredno je poslala svoju prijavu do roka 21.04.2020. godine, sa pečatom JP BH Pošta, uz koju smo priložili traženu dokumentaciju:

- popunjen Obrazac prijave PSRP;
- dokaz da je Općina Maglaj upisana u Registar klijenata (RK);
- dokaz da sufinansiramo program poticanja proljetne sjetve iz budžeta Općine;
- dokaz o izmirenim obvezama za prethodnu godinu ili sporazum o reprogramiranju duga kod Porezne uprave Federacije BiH odnosno kod Uprave za indirektno oporezivanje BiH;
- dokaz o uplati federalne upravne takse.

Na insistiranje Općine Maglaj dana 04.05.2020. godine od strane Ministarstva za poljoprivredu, šumarstvo i vodoprivredu Zeničko-dobojskog kantona, akt broj: 05-24-3770-6-3/19 od 04.05.2020. godine, obaviješteni smo da je Zeničko-dobojski kanton za potrebe proljetne sjetve na području općine Maglaj osigurao iznos sredstava od 50.000,00 KM.

Na osnovu iskazanog interesa od strane krajnjih korisnika – poljoprivrednih proizvođača, a u skladu sa raspisanim Javnim pozivom, Općina Maglaj seopredjelila za model sufinansiranja 40% klijent i 60% podrška od FMPVŠ, **za ukupni iznos od 150.000,00 KM**, odnosno model sufinansiranja:

- Općina Maglaj sa iznosom od 10.000,00 KM,
- Ministarstvo za poljoprivredu, šumarstvo i vodoprivredu Zeničko-dobojskog kantona sa iznosom od 50.000,00 KM i
- Federalno ministarstvo poljoprivrede, vodoprivrede i šumarstva sa iznosom od 90.000,00 KM.

Na raspisani Javni poziv prijave proljetne sjetve na općini prijavilo se **475 krajnjih korisnika, od kojih je 252 lica bilo upisano** u Registar poljoprivrednih gazdinstava i/ili Registar klijenata, dok 225 lica nije bilo upisano u Registar i trenutno je u toku upis lica koja su se izjasnila za upis u RPG i RK, obzirom da se radi o dobrovoljnom upisu.

Uslov za korištenje sredstva podrške po ovom javnom pozivu je da krajnji poljoprivredni proizvođač, koji se prijavi na javni poziv, mora imati broj upisa u Registar poljoprivrednih gazdinstava i/ili Registar klijenata i priložene fiskalne račune o kupljenom repromaterijalu, sjemenima, prehrani i zaštiti.

Dana 23.04.2020. godine obavjestili smo sve poljoprivredne proizvođače sa područja općine Maglaj koji su se prijavili na ovaj Javni poziv za proljetnu sjetvu za 2020. godinu, a nisu upisani u Registar poljoprivrednih gazdinstava i/ili Registar klijenata, da se mogu upisati u Registar RPG i RK počevši od 23.04.2020. godine, na način da u Šalter sali Općine Maglaj popune zahtjev za upis u RPG i RK uz davanje lične karte na uvid, dok će Općina po službenoj dužnosti izvršiti prikupljanje svih ostalih dokumenata neophodnih za upis.

Istom dopisom obavijestili smo sve ostale koji su se prijavili na Javni poziv Federalnog ministarstva za poljoprivredu, vodoprivredu i šumarstvo za proljetnu sjetvu a upisani su u Registar poljoprivrednih gazdinstava i/ili Registar klijenata da odmah mogu početi sa dostavom fiskalnih računa o plaćenju nabavci za proljetnu sjetvu u skladu sa prijavljenom proizvodnjom.

Klijenti – Jedinice lokalne samouprave gradovi/općine su obavezni po realizaciji programa poticanja proljetne sjetve dostaviti Obrazac ISRP Izvještaj o utrošku sredstava te izvještaj o realizaciji programa poticanja proljetne sjetve sa:

- fakturama, fiskalnim računima odnosno drugim dokazima o izvršenoj kupovini repromaterijala iz Javnog poziva za sve prijavljene poljoprivredne proizvođače sa područja općine.

Federalno ministarstvo poljoprivrede, vodoprivrede i šumarstva će nakon dostave konačnog Izvještaja ISRP od strane Općine sa istom zaključiti Sporazum o realizaciji programa poticanja proljetne sjetve kojim će se urediti međusobni odnosi, nadležnosti, obaveze i visina podrške.

Ove aktivnosti su u toku i očekujemio da će biti završene do kraja mjeseca maja.

## **Catholic Relief Services BiH**

Općina Maglaj sa međunarodnom organizacijom Catholic Relief Services CRS BiH potpisala je Ugovor o udruživanju sredstavaza projekat“Interventna pomoć za poljoprivrednu proizvodnju porodicama pogođenima COVID-om-19“.

Ukupna vrijednost planirane ekonomske i socijalne pomoći za **106 korisnika** po provedenoj proceduri iznosi minimalno 40.258,80 KM od kojih je CRS kroz Projekat osigurao 31.258,80 KM a Općina Maglaj iznos od 9.000,00 KM.

Odmah po dobijanju prvih informacija za implementaciju ovog projekta dan 23.04.2020. godine obratili smo se JU Služba za zapošljavanje Ze-do kantona - Biro rada Maglaj sa molbom za dostavu podataka -spisak lica na Birou rada Maglaj od 17.03.2020. godine, za uspješnu realizaciju Projekta međunarodne institucije CRS koja pruža podršku za poticanje poljoprivredne proizvodnje na području općine Maglaj. Također zatraženo je da se uz

dostavljene evidencije dostave i podaci: ime i prezime, mjesto prebivališta - mjesna zajednicu iz koje lice dolazi, kontakt telefon i datum otkad je lice na evidenciji Biroa rada Maglaj.

Traženi podaci su bili neophodni obzirom da je od istih zavisio početak realizacije projekta na području naše općine.

Paketi subili vrijednosti cca 480,00 KM, sa specifikacijom u prilogu:

VRSTA ROBE	Jed. mjere	Količina
<b><u>I PAKET ZA PROLJETNU SJETVU</u></b>		
1. Sjemenski luk 3/1		
2. Sjemenski krompir 25/1 (promjer 35-55 mm)	kom	1
3. Kukuruz šećerac (pak. 250 gr)	kom	1
4. Grah (pak. 250 gr)	kom	1
5. Grašak (pak. 250 gr)	kom	2
6. Špinat (pak. 250 gr)	kom	2
7. Blitva (pak. 250 gr)	kom	2
8. Mrkva (pak. 50 gr)	kom	2
9. Kesice sitnih sjemena (pak. 10 gr)	kom	1
10. Gnojivo NPK 7:20:30 (pak. 25 kg)	kom	20
11. Gnojivo KAN 27% (pak. 25 kg)	kom	2
12. Zemljišni insekticid Force (pak. 1 kg)	kom	1
13. Insekticid za suzbijanje štetočina - Mospilan (pak. 2,5 gr)	kom	1
14. Fungicid za suzbijanje plamenjače – Quadris (pak. 100 ml)	kom	2
15. Ledna prskalica sa akumulatorom (20l)	kom	1
	kom	1

U programu podrške “Interventna pomoć za poljoprivrednu proizvodnju porodicama pogođenima COVID-om-19“ dana 08.05.2020. godine s početkom u 8,00 sati, na poligonu Osnovne škole „Maglaj“ u Maglaju, organizovana je isporuka paketa za poljoprivrednu podršku za 106 porodica kako bi organizovali poljoprivrednu proizvodnju.

Ovaj projekat je podržala Vlada Švicarske, dok je Catholic Relief Services (CRS) implementator i sufinansijer, u partnerstvu s Općinom Maglaj koje također osiguravaju finansijski doprinos.

Projekat će pomoći osobama koje su izgubile posao ili koje imaju minimalne ili nikakve izgleda da zadrže posao koji su obavljali prije pandemije Covid-19. Uslov je da imaju predispozicije za bavljenje primarnom poljoprivrednom proizvodnjom (zemljište i znanje), dok prednost imaju domaćinstva sa više članova i samohrani roditelji.

## TIKA

U mjesecu aprilu Općinu Maglaj kontaktirali su iz Turske razvojne agencije TIKA, sa namjerom daza **50 korisnika** iz kategorije socijalno ugroženih lica sa naše općine doniraju 50 paketa sjemenskog materijala. Donirani paketi su sadržavali:

VRSTA ROBE	Jed. mjere	Količina
<b><u>PAKET ZA PROLJETNU SJETVU</u></b>		
1. Sjemenski krompir		
2. Gnojivo	kg	25
3. Paket sitnog sadnog materijala	kg	25
	paket	1

Od 50 korisnika 20 paketa je dodijeljeno licima po prijedlogu JU Centar za socijalni rad Maglaj, te 30 paketa licima koja su iskazali ineteres za sjetvenim materijalom a nalaze se na jednom od spiskova organizacija koje su iskazale interes za Koordinacijom u aktivnostima koje se provode po Rješenju o imenovanu koordinacionog tima.

## SOS DJEČIJA SELA BiH

Program pomoći za **20 korisnika** sa područja općine Maglaj, program realiziran preko JU Centar za socijalni rad Maglaj.

Program pomoći je obuhvatao pakete pomoći:

VRSTA ROBE	Jed. mjere	Količina
<b><u>PAKET ZA PROLJETNU SJETVU</u></b>		
1. Krompir bijeli		
2. Krompir crveni	kg	25
3. Luk crveni	kg	25
4. Sjeme mrkve	kg	1
5. Sjeme peršuna	pakovanje	1
6. Sjeme krastavac	pakovanje	1
7. Sjeme cvekla	pakovanje	1
8. Sjeme zelene salate	pakovanje	1
9. Sjeme graška	pakovanje	1
10. Sjeme boranije	pakovanje	1
11. Gnojivo	kg	25

## DONACIJA OD ORGANIZACIJE "4LIFE"

Program namjenjem osobama u stanju socijalne pomoćiza **8 korisnika**, program realiziran preko JU Centar za socijalni rad Maglaj.

Program pomoći je obuhvatao pakete pomoći:

PAKET 1	PAKET 2
<b><u>Paket za proljetnu sjetvuna 500 m<sup>2</sup>:</u></b>	<b><u>Paket za proljetnu sjetvuna 1.000 m<sup>2</sup>:</u></b>
1. Sjemenski krompir 100 kg	1. Sjemenski krompir 200 kg
2. Gnojivo 100 kg	2. Gnojivo 200 kg
3. Prateća zaštita za krompir (insekticid i aminokiseline)	3. Prateća zaštita za krompir (insekticid i aminokiseline)

Obradivač: Ferhat Bradarić

Obradivač: Sadka Huskić

Kontrolor: Senada Alibajraktarević

Služba za privredu, finansije/financije  
i razvoj poduzetništva